

զէմայ: Յորմէ ընդ աւուրս թուղթ եկն աշխարանաց,
կոծոյ և սգոյ եթէ Հոռոմք առին զՍուրբ Յակոբ ի ձե-
ռաց մերոց: Դուք զի՞ ունիք ընդ Թուամային կոծ և
զի՞նչ հոգայք զդալ, առաւել՞ գործիք ունի դալ քան
զձեզ ի բարին, կամ դուք հաստատեալ էիք զօրէնս և
զկանոնս և դալ քայքայէ՞ր. և որ սոցին նման բանս. և
ի վերայ այսր ամենայնի քանիցս անգամ բողոք բարձի-
ւառ ձեզ՝ թէ Ո՛վ մարդիք, վասն է՞ր զԵրուսաղէմայ
բանն չէք հոգար՝ երբ դուք քրիստոնեայ էք, զհա-
ւատս և զգաւանութիւնս կամիք պայծառացուցանել,
եթէ իմ բարեկամ էք. զի՞նչ կամի առնել Թուման
ձեզ՝ ինձ արասցէ և Երուսաղէմայ: Եւ լուեալ զայս
իշխանացն՝ ի խոր խոցեալ զչկամիլն եւ զոչ համա-
ձայնիլն Եղիազարի ընդ խորհուրդս նոցա, համբաւե-
ցին եթէ Թումայ հակառակեցաւ Երուսաղէմայ և զԵ-
րուսաղէմ հարկատու արար, որ վեր ասացաւ: Եւ
մտան առ Աստուածատուր վարդապետն՝ Թէ ընդու-
նիս զՓռանկն և զհերձուածողն՝ դու ևս սուտ ես,
և թէ ոչ ընդունիս՝ ընդ մեզ լե՛ր և դու: Եւ վասն
Երուսաղէմայ յոյժ յոյժ բառնային պատճառ իմն եղեալ
և ասէին՝ Ժողով արա՛յ քահանայից և ժողովրդեանն:
Եւ երթային ի ժողովն ոմանք յահէ նոցա, ոմանք չա-
րոյ և ոմանք բարի իմն կարծեալ հաւատային պար-
զամիտք, քանզի չէին ամենեքեան Եղիազարեանք,
որ վասն նորա արարին, այլ հակառակ էին: Բայց ի
կորուստ առն միաբանեցան, յորոց և մինն Հալապցի
Դաւիթ վարդապետն շարադրեալ ժ մտօք բանս պար-
սաւանաց և զնասուց Թումային, կնքով Աստուածա-
տուր վարդապետին առաքեալ յեկեղեցիսն զի ըն-
թերձցին հանդերձ նզովիւք՝ ընդ առաջին հերձուա-
ծողսն հաւասարեալ: Եւ միաբանելոցն դաշին այս՝
ուրոյն ուրոյն կնքով արքն ժողովեալք, եւ որ ոչն
մօհրէր՝ ի բաց վարէին նախատանօք. և աւագիրի-